

咸淳臨安志

二十二

咸淳臨安志

咸淳臨安志卷之四十三

秩官一

班孟堅表漢百官其前叙次職分如左右內史京兆尹左馮翊右扶風以至太守二千石建置沿革之繇具是矣而表止於內史三輔官氏遷免太守弗及也詎不謂京師非郡國比書法宜爾邪或曰臨安視漢三輔自中興始定前是為守何以得書曰固之表為一代作今之志為一郡作弗得而略也然則為守者皆以事繁人又何以特詳曰嬴劉而降悉本史傳中興以來金匱之藏尚祕也固所書一百二十餘人有傳者什三表其人於此而著其事於彼今諸所載耳目可睹記者獨不班班見乎雖然時有古今事有詳略而是非之寔昭昭然著於此心之靈有不隨方冊存亡者嗚呼是可以觀矣叙秩官

封爵攷

淳祐志牧守止載錢塘侯朱雋且謂其它封國若富春於潛之類並見郡縣陞革此不載今按漢志封爵有二等曰王曰侯王則掌治其國有內史以治國民自景武以後惟得食租稅不預政事成帝時又省內史更令相治民如郡太守侯則專以賞



功勞大者食縣小者食鄉亭所食國今長皆名相
主治民但納租於侯以戶數為限合是而觀則如
錢唐侯之類不過寵以爵秩厚以租賦實未嘗涖
其地治其民得列於牧守也全琮孫德嘗封錢唐侯周魴嘗為錢唐侯
相蓋漢制之書晉氏之初封建諸國略同漢制如岳如晏
皆嘗王吳合用漢荆吳例其地以縣與鄉亭封侯
者既於民無関亦於事無考法不當書書之則亦
不勝書也如前所載孫全二故悉得以略餘見內
史攷

內史攷

成淳臨安志卷四一三

二

漢以王國內史治民實為郡守之職杭屬荆吳內
史合見於表惜氏名無傳自漢以後國遂為郡至
晉復以封諸王仍改太守為內史職官志所謂諸
王國以內史掌太守之任是也故今一据正史凡
為內史者悉纂入牧守以補前志之闕然晉世子
弟封吳者不過二王晏自太康之末訖懷愍終凡
二十餘年其以內史見於紀傳者僅顧祕一人岳
一歲即他徙其時內史亦僅庾冰而已顧庾之外
史不絕書而以王封吳者並所無考始嘗疑之反
復紀傳參稽旁證然後知晉自置內史以後常與

太守通稱不必盡有王而後有內史故作史者亦復互文具見如西晉之顧祕書紀為吳興內史傳則書吳興太守均起義軍討石冰一事也東晉之王珣紀書為吳郡太守傳則書吳國內史均遷為尚書僕射一時也諸如此類甚衆則是晉制又有不盡與漢合者乃若漢省內史而以相治民蓋綏和以後之制東漢因之班史於循吏傳序槩以刺史守相為言且引仲舒相江都與京兆內史弘寬並論固東漢人也習見當時侯相事故云爾因併著其說

都尉攷

成漢臨安志卷四一三

三一

漢因秦舊郡置守尉監守掌治民秩二千石尉佐守典武職秩此二千石景帝中二年更名守為太守尉為都尉是時守尉之職判然不侔淳祐志乃以會稽都尉任延禮高年興教化宜為牧守之祖固不害其為善善之意惜未深考漢制耳武帝時嘗以吾丘壽王為東郡都尉不復置太守賜璽書有謂任四千石之重師古曰兼總二任故云蓋都尉或行太守事自前漢已然惜延傳軼之其後明帝時率鼂以會稽都尉三國時朱治以吳郡都尉

皆行太守事宋百官志謂漢末及三國多以諸郡都尉為郡殆有考於此故今止載任延以下三人而後此都尉史不載明行守事者皆弗錄

吳吳興二郡攷

晉宋齊梁不置郡錢唐令富陽令鹽官令新城令並隸吳郡餘杭令臨安令於潛令並隸吳興郡此淳祐志所書也其意蓋以吳郡為令平江吳興為令安吉皆非杭境故二郡牧守皆闕弗著竊謂不然牧守有所治縣有所統縣以所治言之則吳之治吳吳興之治烏程以與今之杭無與以所統言

之則錢唐等四縣之隸吳餘杭等三縣之隸吳興實同此牧守也所治得書所統不得書則未置吳郡以前亦會稽所統舊志尚以會稽西部都尉任延為牧守之祖而吳郡吳興太守反外之於它郡不可歟必謂都尉治在錢唐所以列於本郡則考之漢志會稽凡兩都尉西部治錢唐南部治回浦延傳但書拜會稽都尉安知其必為西部耶志者而直書西部以遷就其說尤不可也沈約志宋州郡有云地理參差由名號驟易境土屢分一郡一縣亟有離合尋校推求未易精悉誠哉是言然

郡之分合雖不同縣之吏屬猶可考蓋郡之牧守
即縣之所事之長吏也倘專以今之平江為吳郡
安吉為吳興而謂非今之杭則是當時牧守教條
不及於錢唐餘杭等七邑豈理也哉又嘗考之自
陳後主置錢唐郡隨文帝廢郡置杭州煬帝又改
杭州為餘杭郡然舊後隸二邑吳之邑始專屬杭
而吳之為蘇吳興之為吳湖亦於此時相先後而
置杭與二吳遂各為封境非四代時比矣故今所
志凡四代間守二吳者其名氏事蹟以七縣常隸
屬故悉据止史網羅放失詳著於篇庶覽者無遺

憾焉

古今郡守表

舜咨十有二牧揚州居其一杭隸焉三代之世當
因而不改但名氏皆無傳史稱夏少康封庶子於
會稽以奉禹祀披草萊而邑猶未通於上國至魯
定公時其後曰勾踐始見春秋傳雖稱越子經止
書於越亦未得列於諸侯也若其疆域則有可考
證已見郡縣沿革今所表斷自秦分郡置守始九
江志亦用此例

世紀

沿革

氏名

事蹟

秦

始皇

守

初置守掌治其郡

殷通

二世

漢書項籍傳會稽假守通晉灼曰楚漢春秋云姓殷

漢

高祖

荆内史

百官表王國置内史掌治民

名氏不傳

成漢臨安示

吳内史

名氏不傳

景帝

更名太守

中二年

武帝

嚴助

朱買臣

會稽吳人以中大夫諭意南越還上問所欲拜為會稽太守數年不聞問賜書曰制詔會稽太守君厭承明之廬勞侍從之事懷故土出為郡吏會稽東接于海南近諸越北枕大江間者濶焉久不聞問具以春秋對毋以蘓秦從橫助恐上書謝願奉三年計最詔許因留侍中吳人邑子嚴助貴幸薦之拜為中大夫是時東越數反覆

東漢
光武

任
延

拜會稽太守上謂曰富貴不
歸故鄉如衣繡夜行今子何
如買臣頓首謝詔買臣到郡
治樓船備糧食水戰具須詔
書軍到與俱進將兵與韓說
等俱擊破東越有功召入為
主爵都尉

南陽苑人年十九為會稽郡
尉迎官驚其壯及到靜泊無
為唯先遣饋禮祠延陵季子
時天下新定道路未通避亂
江南者皆未還中土會稽頗
稱多士延到皆聘請高行如
董子儀嚴子陵等敬待以師
友之禮掾吏貧者輒分奉祿
以賑給之省諸卒令耕公田
以周窮急每時行縣輒使慰

成漢臨安志卷四十三

七

勉孝子就餐飯之吳有龍丘
蒼者隱居太末志不降辱王
莽時連辟不到掾吏白請召
之延曰龍丘先生躬德履義
有原憲伯夷之風都尉掃灑
其門猶惧辱焉召之不可遣
功曹奉謁修書記致鑿葉吏
使相望于道積一歲蒼乃乘
輦詣府門願得先死備錄延
辭讓再三遂署議曹祭酒蒼
尋病卒延自臨歿不朝三日
是以郡中賢士大夫爭往官
官焉建武初延上書願乞骸

第五倫

京兆長陵人建武二十九年
拜會稽太守躬自斬芻養馬
妻執炊爨受奉裁留一月糧
餘皆賤買與民之貧羸者會
稽俗多淫祀好卜筮民常以
牛祭神百姓財產以之困匱

明帝

章帝

和帝

咸淳臨安志天四一三

尹

宰

慶

張

馬

興

鼂

鴻

霸

稜

前後郡將莫敢禁倫移書屬縣曉告百姓其巫祝有依托鬼神詐怖愚民皆按論之有妄屠牛者更輒行罰百姓以安永平五年坐法召老小攀車叩馬嗥呼相隨日裁行數里不得前倫乃偽止亭舍陰乘船去衆之復追之又諸廷尉吏民上書守關者千餘人會帝錄囚徒得免歸田里為會稽太守歲荒民飢使戶曹史陸續于都亭賦民饘粥見陸續傳

為會稽郡都尉行太守事嘗以微過收吳縣獄吏主簿鍾離意爭諫甚切鼂怒欲棗之功曹彭修拜曰自非賢君安得忠臣今慶明府為賢君主簿為忠臣遂原意見彭修傳

為會稽太守有異迹

蜀郡成都人永元中為會稽太守表用郡人處士顧奉公孫松等其餘有業行者皆見擢用郡中爭厲志節習經者以千數道路但聞誦聲霸始到越賊未解郡界不寧乃移書開廟明用信賞賊遂束手歸附不煩士卒之力童謠曰弃我戟捐我矛盜賊盡吏皆休三年謂掾吏曰太守起自孤生致位郡守蓋日中則移月滿則虧老氏有言知足不辱遂上病後召四邊為侍中扶風茂陵人自丹陽太守轉會稽太守治有聲

獻帝

三國

吳

芮社
許貢

自九江太守轉吳郡太守所
至有聲潘潘傳注
為吳郡太守時孫策方起貢
上表漢帝言策驍雄類項籍
宜以貴寵召還若真于外必
為世患策候吏得表以示策
策遂殺貢

朱治

為吳郡都尉治從錢唐欲進
到吳吳郡太守許貢拒之子
由拳治與大戰破之遂入郡
領太守事

盛憲

器量雄偉遷吳郡太守以病
去官會稽典錄

僮和

為吳郡太守

全琮

吳郡錢塘人也建武七年丹
陽吳會山民復為寇賊攻沒
屬縣權分三郡險地東為安
郡琮領太守治富春至明賞
罰招誘降附得萬餘人召還
經過錢唐修祭墳墓幢節
蓋耀于舊里請會邑人知舊
宗族六親施散惠與本土以
為榮

滕

太祖犯廟諱

北海劇人也自丹陽徙吳郡
太守每聽訟斷罪察言觀色
務盡情理人有窮冤悲苦之
言對之流涕

咸淳臨安志卷之四十三

九

咸淳臨安志卷之四十三



咸淳臨安志卷之四十四

官秩二

世紀

晉

武帝

惠帝
東晉

元帝

沿革

吳國內史

太康十年改諸
王國相為內史
如太守之任
以後或稱太守
或稱內史

名氏

顧
祕

周
玘

鄧
攸

事蹟

衆之父大安二年以吳興內史起義軍討石冰惠紀

義興陽羨人元帝初吳興錢璜反來寇玘縣玘率合鄉里義衆討璜斬之帝嘉其勲以玘行建威將軍吳興太守封烏程縣侯吳興寇亂之後百姓飢饉盜賊公行玘甚有威惠百姓敬愛之暮年之間境內寧謐

平陽襄陵人元帝時吳郡關守人多欲之帝以援攸載朱之郡俸祿無所受唯飲吳水而已時郡中大飢攸表振貸未報乃輒開倉救之臺遣散騎常侍桓彝虞駿慰勞飢人觀聽善不乃劾攸以擅出穀俄有詔原之攸在郡刑政清明百姓欢悅為中興良守後称疾去職郡常有送迎錢數百萬攸去郡不受一錢百姓數千人留牽攸船不得進

咸淳臨安志卷之四十四



明帝

成帝

咸淳臨安志卷四十四

孔愉

陶回

攸乃小停夜中發去吳人歌
之曰統如打五鼓鷄鳴天欲
廟鄧侯留不挽謝今推不去
百姓詣臺乞留一歲不聽拜
侍中

會稽山陰人為吳興太守沈
充反弃官還京師

丹陽人遷征虜將軍吳興太
守時人飢穀貴三吳尤甚詔
欲聽相鬻賣以拯一時之急
回上疏曰當今天下不普荒
儉惟獨東土穀價偏貴便相
鬻賣聲必遠流北賊聞此將
窺疆場如愚臣意不如開倉
廩以振之乃不待報報便開
倉及割府郡軍資數萬斛米
以救之絕由是一境獲全既

二

而下詔并勅會稽吳郡依回
振恤二郡賴之在郡四年召
拜領軍將軍

庾冰

虞潭

補吳國內史會蕪峻遣兵攻
冰不能禦弃會稽會稽內史
王舒以冰行奮武將軍距峻
別率張健于吳中帥眾擊走
之

會稽餘姚人咸和初由散騎
常侍出為吳興太守秩中二
千石加輔國將軍督三吳晉
陵義興宣城五郡軍事蕪峻
反賊率張健等追據吳城潭
檄吳郡顧眾等為五郡大都
督統義軍討健大破之咸康
初轉鎮軍將軍吳國內史復
徙會稽內史未發還復吳郡
是時軍荒之後百姓飢饉死

穆帝

蔡謨

亡塗地潭乃表出倉米振救之及修滄瀆壘以防海抄百姓賴之

陳留考城人蘇峻之亂吳與內史庾冰出奔會稽乃以謨為內史謨既至與張閏顧眾颺等共起義兵峻平復為侍中

荀羨

穎州人遷建將軍吳國內史永和五年為使持節監徐兗二州諸軍亭北中郎將徐州刺史

陸納

吳人為吳興太守至郡不受俸祿頃之召拜左民尚書外白宜裝凡船納曰私奴裝糧食未無所復須正臨發止有被襪而已其餘並封以還官

庾羲

咸淳臨安志卷四十四

三

亮之子為吳國內史時穆帝頗愛文義羲至即獻詩頗存諷誦因上表曰陛下以聖明之德方隆唐虞之凡而事役殷贖百姓凋殘以數州之資可具言昔漢文居隆盛之世躬以儉約斷獄四方殆至刑厝賈誼嘆息猶有積薪之言以古況今所以益其憂懼陛下明鑒天挺無幽不燭弘濟之道豈侍古言臣受恩奕世思盡絲髮受任到東親臨所見敢獻丹愚伏願聽斷之暇少垂察覽其詩文多不載

謝萬

升平二年為吳興太守八年為西中郎將持節監司豫翼并四州諸軍事豫州刺史

哀帝

廢帝

庾希

隆和初為輔國將軍吳國內史遷北中郎將徐充二州刺史假節

江灌

陳留園人為吳興太守性方正視權貴蔑如也大司馬文溫欲中傷之召拜侍中以在郡時公事免

孔嚴

會稽山陰人太和中拜吳興太守加秩中二千石善于宰牧甚得人和餘杭婦人經年荒賣其子以活夫之兄子武康有兄弟二人妻各有孕弟遠行未返遇荒歲不能兩全棄其子而活弟子嚴並褒薦之又甄賞才能之士論者美焉五年以疾去職

咸淳臨安志卷四十四

四

簡文帝

朱序

義陽人太和中長城人錢弘聚党百餘人藏匿原山以序為中軍司馬吳興太守至郡擒之
穎川人除建威將軍吳國內史

荀蕤

謝安

除吳興太守在官無當時奢去後為人所思頃之召拜侍中

孝武帝

刁勗
王薈

寧康元年為吳國內史二年為衛將軍

導之子為建威將軍吳國內史時年飢粟貴人多餓死薈以松米作饘粥餒者所濟活甚眾召拜尚書復為征虜將軍吳國內史

司馬珣之

吳興太守劉裕伐關中以為
諮議參軍號為宗室之美

何澄

章平穆皇后弟為冠軍將軍
吳國內史

王詢

導之孫蟬輔國將軍吳國內
史在郡為士庶所悅有別館
在武丘山戴逵諧諧之珣與
游處後召為尚書古僕射領
吏部

王獻之

除建威將軍吳興太守召拜
中書令

謝邈

為吳興太守孫思之亂為賊
所執逼令北面邈厲聲曰我
不得罪天子何北面之有遂
害之

王蘊

孝武定皇后父補吳興太守
甚有政德屬郡荒人飢輟門
倉贍卹主簿執諫請先列表
上待報蘊曰今百姓嗷然路
有飢饉若表上須報何以救
將死之命乎專輟之愆罪在
太守且行仁義而敗無所恨
也于是大振貸之賴蘊全者
十七人焉朝廷以蘊遠科免
蘊官士庶請闕訟之詔特左
降晉陵太守復有惠化百姓
歌之

張元之

自吏部尚書為吳興太守以
才學顯與會稽內史謝元同
年之郡而元之名亞于元時
人稱為南北二元

司馬允之

隆安二年為吳國內史

亘謙

累遷輔國將軍吳國內史

袁崧

隆安四年為吳國內史築滄瀆壘以備孫恩

孔靖

會稽山陰人義熙間為吳興太守加冠軍是時吳興頻喪太守云項羽神為下山王居郡聽事二千石至常遊之靖居聽事竟無害也遷尚書右僕射

王袁 默湛

導之孫為吳國內史加二千石為吳國內史秩中二千石義熙十二年轉尚書右僕射

宋武帝

咸淳臨安志卷四十四

殷穆 向靖

陳郡長平人以五兵尚書為吳郡太守河內山陽人高祖西伐以靖為吳興太守冠軍將軍如故靖儉約不營室宇無園田商賈之業時人稱之

孔琳之

會稽山陰人除侍中出為吳興太守

羊元保

太山南城人高祖時為吳郡太守加秩二千石太祖以元保素廉寡欲故頻授名郡為政雖無幹績而去後嘗見思不營財利處家儉薄太祖嘗曰人仕宦非惟須才然亦須命運每有好官闕我未嘗不先憶羊元保

少帝
文帝

丘淵之
表湛

吳興烏程人為吳郡太守吳音不變陽夏人為吳興太守秩中二千石蒞政和理為吏民所稱入補中書令

王敬弘

琅琊臨沂人舊居餘杭縣為吳興太守尋呂為侍中

江夷

濟陽人城人為吳郡太守

何叔度

廬江灑人金紫光祿大夫為吳郡太守加秩中二千石太保王弘稱其清潔已

劉損

沛郡蕭人為吳郡太守元嘉中東土殘飢太祖遣揚州治中沈演之東入振卹以損綏撫有方稱為良守

王韶之

元嘉中為吳興太守見徐美之傳

謝述

陽夏人為吳興太守在郡清省為吏民所懷

張邵

為吳興太守

劉若休

文帝子為吳興太守召為散騎常侍

顧琛

吳郡吳人孝武初遷吳興太守考建元年召為五兵尚書未拜復為寧朔將軍吳郡太守大明中仍為吳興太守明年坐郡民多剪錢及盜鑄免官前廢帝即位復為吳郡守

孝武帝

劉懷謹

彭城人世祖初為吳興太守以功封石陽縣子

劉延孫

為吳興太守孝建二年正月召為尚書右僕射

劉遵考

為吳興太守孝建二年三月拜湘州刺史

王僧達

瑯琊臨沂人為征虜將軍吳郡太守立宅于吳多役功力坐免官

顧覲之

吳郡吳人大明初加左軍將軍為吳郡太守八年復為吏部尚書加給事中未拜復為吳郡太守幸臣戴法興蘄傾人土覲之未嘗降意蔡興中典覲之善嫌其風節過峻覲

劉穆之

之曰牟毗有云孫劉不過使吾不為公卿耳秦始皇初王室多故惟覲之心節全太宗嘉之又以為左將軍吳郡太守東莞莒人大明二年遷吳興太守

劉子真

孝武帝子大明中為輔國將軍吳郡太守

王曇生

大明末為吳興太守

張永

吳郡吳人永光元年為吳興太守太宗即位吏部尚書未拜會四方反叛復以為吳興太守討平晉陵加冠軍將假節未拜以將軍假道徒吳郡太守率軍東討廢帝初又為

後廢帝

顧覲之

吳郡太守秩中二千石侍中右光祿大夫如故為吳郡太守泰始元年十月拜湘州刺史

郗顯

泰始二年為吳興太守長城錢仲期子延慶子延為父報仇手及突慶思自繫烏程縣獄顯表不加罪詔許之見孫傳

劉琨

為吳郡太守泰始四年七月為中領軍

王僧虔

琅琊臨沂人泰始中出為輔國將軍吳興太守秩中二千石王獻之善書為吳郡興及僧虔工書人為郡論者祿之

張緒

吳郡吳人元徽初為吳郡太守



咸淳臨安志卷之四十五

秩官三

世紀

齊

高帝

沿革

名氏

事蹟



咸淳臨安志卷四十五

吳郡吳人宋恭始末為吳興太守後遷吏部尚書建元元年復出為左將軍吳郡太守帝知岱歷仕清真至郡未幾于勅岱曰大邦重任乃未欲回換但總戎務殷宜須望寔今用卿為護軍加給事中岱拜詔竟以家為明府年遷金紫光祿大夫

張岱

吳郡吳人宋昇明初以取劉遐功授輔國將軍吳郡太守封義成縣侯邑千戶建元間遷都官尚書出為征虜將軍

張瓌

吳興太守烏程令顧昌元有罪瓌坐不糾免官高宗末年授卒東將軍吳郡太守

王敬則

晉陵南沙人建元二年遷使將節度騎常侍安東將軍吳興太守道不拾遺郡無劫盜境內一清遷護軍將軍常侍如故以家為府

何戡 蕭緬

廬江潘人太祖時為吳郡太守以疾歸為侍中秘書監以安陸侯為吳郡太守永明元年拜郢州刺史

武帝

沈文季

吳興武康人宋大明中自秘書監出為吳興太守飲酒竟事不廢永明元年為復軍吳郡太守

王慈

李安民

徐孝嗣

謝瀟

王奐

王秀之

孔琇之

謝朓

王延之

琅琊臨沂人為建武將軍吳郡太守
蘭陵人永明四年為安東將軍吳太守

東海郟人世祖時為吳太守在郡能名尚書令王儉贈四言詩曰方執叔茂追清彥輔柔亦不茹剛亦不吐
陳郡陽夏人世祖時遷司徒左長史出為吳太守在郡稱為美績

琅琊臨沂人為吳太守秩中二千石尋遷號征虜將軍

琅琊臨沂人為輔國將軍吳興太守吳興郡隱業所在心

願為之

山陰人為輔國將軍監吳興郡尋拜太守治稱清嚴

陳郡陽夏人隆昌元年為征虜將軍吳興太守弟瀟時為吏部尚書朓至郡致瀟數斛酒還書曰可立飲此勿預人事朓居郡每不治而常務聚飲衆頗濩之亦不屑也建武四年召為侍中中書令抗表不應獨與每苗築室郡之西郭

琅琊臨沂人明帝時為吳郡太守罷郡歸家產無所增益後為吏部尚書復出為後軍將軍吳興太守

鬱林王

明帝

梁武帝

蔡樽

濟陽考城人為吳興太守天監元年宣城郡吏吳承伯聚眾寇吳興奄襲郡城樽堅守不動募勇敢拒戰斬承伯餘党悉平加信武將軍召為度支尚書

王份

琅琊人天監初轉吳郡太守遷寧朔將軍北中郎

何敬容

廬江人普通四年以吏部尚書出為招遠將軍吳郡太守為政勤恤民隱辨訟如神視事四年治為天下第一吏民詣闕請植碑記許之大通二年召為中書令

柳惔

河東解人天監二年為吳興太守六年召為散騎常侍八年復為吳興太守六年為政

蕭正仁

清靜民吏懷之陳疾解任以老千餘人時表陳請

為吳興太守有治能

蕭琛

蘭陵人遷吳興太守郡有項羽廟土人名為憤王甚有靈驗于郡廳事為神座公私請禱前後二千石皆于廳拜祠而避居他室琛至徒神還廟處之不疑又禁殺牛解祀以脯代肉琛頻蒞大郡不治產業

謝覽

淪之子天監十二年出為吳興太守中書舍人黃睦之家居烏程子弟專橫前太守皆折節之覽未到郡睦之子與

張稷

弟來迎覽逐去其船杖吏為通者自是睦之家杜門不出不敢與公私門通郡境多劫為東道患覽下車肅然一境寧謐昔覽在新安頗聚歛至是遂稱廉潔時人方之王懷祖

蕭推 蕭映

吳郡太守為散騎常侍將軍吳興太守秩中二千石下車存問遺老引其子孫置之右職政稱寬恕進號雲麾將軍召為左僕射道由吳鄉侯稷者滿水陸稷單裝徑還京師人莫之識

為我昭將軍吳郡太守所臨必赤地大旱吳人號旱母大同初為吳興太守見陳高祖紀

四

張纘

大通間為吳興太守省煩苛務清靜民吏便之大同二年召為吏部尚書

蕭子顯

蘭陵人大同二年為仁威將軍吳興太守

謝舉

大同三年為雲麾將軍吳郡太守先是何敬容居郡有美績世稱為何吳郡及舉為政聲績略相比六年入為侍中中書監

袁君正

陳郡陽夏人為吳興太守侯景亂率數百人隨邵陵王赴授京師君正當官蒞事有名稱而蓄聚財產服玩靡麗為吳興太守太清二年侯景亂暎遣弟伊率郡兵數千人

張嶷

簡文帝
元帝

敬帝

陳
武帝

咸淳臨安志卷四十五

蕭大臨

張彪

裴之橫

袁樞

沈君理

沈恪

陳昌

赴援又收集士卒築繕城壘
城行臺劉神茂遣使說唵命
斬其使仍遣軍主王權等率
兵于鱣濱逆擊之破神茂侯
景遣其子帥將兵工萬人乃
助神茂擊唵為賊騎焚柵唵
乃釋戎服坐廳事賊臨之以
及終不為屈執以送景遂遇
害世祖謚曰忠正子

太宗子大寶元年除安東將
軍吳郡太守

為吳郡太守齊主高洋欲襲
建業王僧辯召彪會侯瑱兵
大敗北軍見王僧辯傳

為吳興太守齊主高洋欲襲
建業王僧辯召之橫會侯瑱
兵大敗北軍見王僧辯傳

五

陳郡陽夏人紹泰二年由吏
部尚書出為吳興太守永定
二年召為左氏尚書

吳興人高祖初為吳郡太守
時兵革未寧百姓荒弊軍國
之用盛資東鏡君理招集士
卒修治器械民下悅服深以
除理見稱世祖嗣位君為侍
中
武康人永定元年除吳興太
守

高祖子為吳興太守時年十
六容貌偉麗神情明秀雅性
聰辨明習政事高祖遣謝哲
蔡景歷輔昌為郡

文帝

徐虔

安陸人世祖初為使持節散騎常侍鎮東將軍吳郡太守以子敬成為監郡天嘉元年增邑千戶

胡頴

吳興東遷人天嘉元年除散騎常侍吳興太守

吳明徹

天嘉初為鎮東將軍吳興太守六年為中領軍見文帝紀

陳伯山

世祖第三子鄱陽王天嘉元年授東中郎將吳郡太守

陳伯恭

世祖第六子晉安王天嘉六年為平東將軍吳郡太守置佐史時年十餘歲便留心政事官曹治理

廢帝

徐敬成

安陸人度之子光大五年除正威將軍吳興太守其年隨都督吳明徹北討

杜稜

錢塘人太建元年為散騎常侍鎮東將軍吳興太守秩中二千石二年召為侍中鎮右將軍

陳叔堅

高宗第四子長沙王太建元年為中郎將吳郡太守四年為宣毅將軍江州刺史

陳伯固

世祖第五子新安王太建間授使持節都督吳興諸軍事平東將軍吳興太守

陳伯禮

世祖第十子武陵王太建初為雲旗將軍持節都督吳興諸事軍吳興太守在郡恣行暴掠逼奪財貨百姓患之九

宣帝

年為有司所劾特降軍號十
一年被代召還遷延不發御
史中丞徐敬敷奏免所居官
以王還第

陳伯謀

世祖第十三子桂陽王太建
十年出為持節都督吳興諸
軍事東中郎將吳興太守

右自東漢尹興以後至陳末陳伯謀並採撫正
史增入其僅存氏名而歲事蹟無可考及雖有
事蹟而臣節有虧者並不錄但考之吳興吳郡
二乘所載牧守頗多皆雜取他傳記與今志凡
例不同又恐觀者以為遺軼悉附載氏名于後
若此有彼無者吳興二十人吳郡十四人

八風江臨史子志卷四一五

七一

吳興

王羲之

謝琰

虞騏

周鎮

胡嚴

王胡之

孔坦

孔廡

袁琇

周札

周蓮

王垣之

顧衆

陸統

江蔚

車嗣

殷康

沈嘉

何楷以上晉人

褚彦回

謝莊

丘道護

謝澹

謝述

張崇之

蕭慧明

殷冲

袁思道

孔山士

沈道思以上宋人

袁洵

袁昂

蕭慧休

袁彖

威澤臨安志卷四十五

八

王瑩

楊文崇以上齊人

元仲景

張僧繇

王騫

信都遵

蕭猷

文皇帝蒨

夏侯犯皇帝舊諱

衡陽王昌

孫廉

杜龕

周敏

齊明帝蕭鸞

王彬以上梁人

錢道戢

徐綜

周文育

周碧

周寶安

任忠

沈欽

以上陳人

吳郡

譙敬王恬

沈充

傅盛

王恬

子導之

王洽

子邵之

王邵

子導之

王謚

子導之

魏詠

顧含

蒯鑿

殷祐

劉牢之

張茂

賀循

應詹

亘檀

咸淳臨安志卷四十五

九

王愷

王允之

王侃

虞譚

樂謨

張敞

以上晉人

袁珣

張懷

柳世隆

王誕

王思遠

褚淵

褚澄

弟淵之

張充

南康縣侯子恪

江敷

王規

李元履

江革

袁昂

以上宋人

王僧智 梁人

裴忌

永陽王伯智

衡陽王伯信 以上陳人

唐

高祖

改太守為

刺史

武德元年

太宗

柳楚賢

大業末為河北縣長歸高祖正觀中歷交桂二州都督終杭州刺史

薛萬徹

太宗朝名將自右衛大將軍轉杭州刺史遷代州都督後

咸淳臨安志卷四十五

中宗

裴憐

與岑義劉守悌等以清德俱為巡察使所薦授渭南令為池官員外郎有美譽後為杭州刺史

宋璟

歷杭州刺史政清殺吏下無敢犯者

元宗

分天下為

十五道路

置採訪使

以六條檢

察非法擇

劉幽求

以太子少保敗睦州刺史遷杭州舊志帝湊在劉幽求之後今按帝傳無

賢刺史領
之杭隸江

南東道

通鑑開元
二十一年

改刺史為

太守

天寶元年

袁仁敬

開元十三年上自選諸司長
官有聲望者十一人為刺史
命宰相諸王及諸司長官臺
郎御史餞于洛濱供張甚盛
賜以御膳太常具樂內坊歌
妓上自書十韵詩命高力士
賜之仁敬以大理少卿為杭
州通鑑

謝晏

天寶末拜度支郎中兼侍郎
史領江淮租庸事晏至吳郡

咸淳臨安志卷四十五

十一

肅宗

復諸州及

官名太守

仍為刺史

至德二載

置江東防

禦使治杭

州

至德二載

崔

渙

會永王璘事採訪使李希言
假晏守餘杭因發義兵堅壁
璘聞晏有備遂自晉陵西走
終不言功召拜彭原太守
以左散騎常侍兼餘杭太守
江東採訪防禦使入遷吏部
侍郎

德宗

置浙江西
道節度副
使兼餘杭
軍使治杭
州
乾元元年
杭州刺史
領防禦使
上元二年

侯令儀

杭州刺史改昇州刺史

張伯儀

為杭州刺史大曆二年徙安南都護

咸淳臨安志卷四十五

十二

杜濟

以京兆尹賧為杭州刺史

李泌

自澧硤園鍊使徙杭州刺史有風績引西湖水入城為六井大為民利德宗在奉天召赴行任

元全柔

以湖南團鍊觀察使御史中丞為杭州刺史遷黔中經略招討觀察等使

房孺復

正元初常應物為蘓州牧房孺復為杭州牧常嗜詩房嗜酒每與賓友一醉一詠其風流雅韻多播于吳中或目羣房為酒詩仙

王顏

正元六年為刺史

于邵

為太子賓客與宰相陸贄不平出為杭州刺史

李錡

自雅王傳出為杭州刺史舊志李錡之後有蘇升自幹州轉杭州刺史今按蘇傳云為滁州刺史卒

韓臯

正元十四年自京兆尹責撫州員外司馬未幾改杭州刺史嘗于武林山作侯仙亭入拜尚書右丞

盧元輔

自河南縣令除杭州刺史白集有制詞嘗于武林山作見山亭

張綱

永正初為守奏置餘杭倉宇四十二間築倉城周迴四里餘杭志

順宗

憲宗

穆宗

咸淳臨安志卷四十五

嚴休復

唐語林云白公除杭州替嚴員外休復休復有時名公喜為之代白公清輝樓詩序云嚴十八郎中在郡曰改制南樓因名清輝未立標榜召歸即曹

白居易

長慶二年七月自中書舍人出守杭州始因歲旱築捍錢塘湖鍾洩水溉田千頃復濬六井民賴其利唐語林云公罷杭俸多由官庫鑑守者公用不足則假而復填如是五十餘年及黃巢至郡文籍多焚其俸乃亡按公作冷泉亭記謂有相里居造虛白亭又集中有送姚杭州赴任因思舊遊諸二人在公先後為郡其名皆莫考或云相里君名造然未有的據不敢歷于表

文宗

武宗

宣宗

懿宗

李宗閔

李中敏

裴夷直

李遠

崔彥曾

開成初為杭州刺史遷太子賓客分司東都

開成末為杭州刺史

武宗初自中書舍人出為杭州刺史

大中十二年十月令狐綯擬李遠杭州刺史上曰吾聞遠詩云長日惟消一局碁安能理人綯曰詩人托此為高興耳未必寔然上曰且令往試觀之通鑑

威通二年為刺史開沙河塘見地理志

僖宗

昭宗

咸淳臨安志卷四十五

周寶

董昌

錢鏐

十四

黃巢據宣歙室自徑源徙鎮海軍節度使兼南面討招使僖宗入蜀加檢校司空室練卒自守發杭州兵戍縣鎮以玉團討王郢有功補石鏡鎮將黃巢寇抗引兵過臨安不敢犯周寶表昌為杭州刺史昌乃圍諸縣兵為八都

置杭州防禦使

龍紀元年

賜杭州防禦使號武

使

乾符二年浙西裨將王郢亂石鑑鎮將董昌表鏐備將擊破之黃巢掠浙東至臨安鏐出奇兵邀擊射殺其將巢遂引兵過董昌為刺史以鏐為都指揮使中和四年鏐攻破越州殺觀察使劉漢宏乃奏昌代漢宏而自居于杭州光啟三年拜左衛大將軍杭州刺史昭宗時拜杭州防禦使

勝軍防禦使

景福元年

升武勝軍防

禦使為都團

練蘇杭等州

觀察使二年

尋廢團練觀

察使徙鎮海

軍節度使治

杭州光化二年

拜都團練使景福二年為蕪杭觀察使七月發民夫二十萬及十三都軍士築杭州置城周七十里九月拜鎮海軍節度使乾寧元年加同中書門下平章事二年董昌反越州鏐以開詔封鏐彭都郡王浙江東道招討司董昌平拜鎮海威勝兩軍節度使加檢校太尉中書令鏐如越受命還治錢塘光化元年移鎮海軍于杭州加鏐檢校太師改御里曰廣義鄉勳貴里所居營曰衣錦營未几升營為衣錦城天順元年封吳王四年升衣錦城為安國衣錦軍梁太祖即位封吳越王魚淮南節度使未拜正明三年加天下兵馬都元帥開府置官屬

咸淳臨安志卷四十五

十五

右並據前志參以新唐書重行攷訂間有增損

其名氏雖存而歲月事蹟無所考者自當用唐

以前比例但既見前志姑附著于後

相里君造虛白亭

元真之河南人右司郎中作冷泉亭

裴常棣河東聞喜人兵部郎中作觀風亭

杜陟

陸則

李幼

崔鄩貝州武城人

路異

殷亮給事中

常夔京兆杜陵人

崔恂鄭州人水部郎中

獨孤嶼洛陽人侍御史

李士挹宗室

封亮 渤海人 封負外郎

雙士恪 天水郡人 右武衛大將軍 定相

薛自勉 河東汾陰人 司勳員外

薛瑩 河東汾陰人

盧涇 范陽卓縣人

楊行矩 上蔡人 蔡州總管

柳德義 河東人

史令卿 建康人 祠部郎中

杜信 京兆人 刑部員外郎

李犯 諱高宗 廟諱

裴珽 昭字士

李幼公 姑臧大房

李力牧 百藥族

張芥 崔元獎 清河大房 吏部侍郎

崔洵 博陵人

咸淳臨安志卷之四十五



